

Na osnovu člana 25. stav (10), člana 39. stav (2) i stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst, 14/15 i 9/20), Općinsko vijeće Općine Vogošća, na sjednici održanoj dana 30.03.2023. godine, donijelo je

ODLUKU
O PROVOĐENJU IZMJENA I DOPUNA
URBANISTIČKOG PROJEKTA "SOLARIS" ZA
LOKALITET U ULICI GORNJA JOŠANICA II
(SKRAĆENI POSTUPAK)

Član 1.

(Vrsta Plana)

Ovom Odlukom se propisuje način provođenja Izmjena i dopuna Urbanističkog projekta "Solaris" za lokalitet u ulici Gornja Jošanica II, po skraćenom postupku (u daljem tekstu: Plan).

Član 2.

(Obuhvat Plana)

Granica obuhvata polazi od tromede parcela k.č. 1260/1, 1259/2 i 1261, potom produžava na zapad idući postojećom naseljskom saobraćajnicom sijajući parcele k.č. 1259/2, 1256/5, 1256/6, 1253/4, 1253/2, te nastavlja na sjever obuhvatajući parcele k.č. 1253/2 i 1256/1, i dolazi u tačku br. 1 koja se nalazi na međi između parcela k.č. 1256/1 i 2386/1, a ima koordinate $y=6527808$, $x=4862393$, nastavlja na sjever obuhvatajući planiranu saobraćajnicu i dolazi u tromedu parcela k.č. 2386/1, 848/1, 1256/1. Granica obuhvata produžava na istok, te jug idući međama parcela k.č. 1256/1, 1256/4, 1256/3, 1260/1 (obuhvata ih) i dolazi do mjesta odakle je opis granice i počeo.

Sve gore navedene parcele se nalaze u K.O. Vogošća, Općina Vogošća.

Površina obuhvata iznosi $P=1,37$ ha.

Član 3.

(Planski preduvjeti)

Ovim Planom utvrđeni su planski preduvjeti za planiranje objekata kolektivnog stanovanja sa pratećom saobraćajnom, komunalnom i energetskom infrastrukturom, poštujući vlasničke odnose, a u skladu sa prostornim mogućnostima i uslovima stabilnosti predmetnog lokaliteta, a prema sljedećim urbanističko-tehničkim uslovima:

- Namjena objekata: stambeni,
- Planirano je šest lamela, čije su građevinske linije naznačene u grafičkom prilogu,
- Spratnost objekata: S+P+3,
- Broj stambenih jedinica: cca 100, (prosječna veličina stana brutto cca 50-80 m²),
- Planirani broj stanovnika 330,
- Kolski prilaz kompleksu je iz ulice Gornja Jošanica II,
- Saobraćaj u mirovanju planiran je u suterenskim etažama objekata, kao i uz planirane saobraćajnice u vidu otvorenih parking mjesta,
- Priključke na saobraćajnice i mrežu komunalne infrastrukture treba uskladiti sa Planom i važećim tehničkim normativima,
- Teren oko građevina, potporni zidovi, i slično moraju se izvesti tako da ne narušavaju mikroambijent i uslove stanovanja na susjednim parcelama, uz rješavanje oborinskih voda na vlastitoj parceli.

Član 4.

(Sadržaj Plana)

Plan se sastoji iz tekstualnog dijela i grafičkih priloga. Tekstualni dio i grafički prilozi Plana su sastavni dio Izmjena i dopuna Urbanističkog projekta "Solaris" ("Službene novine Grada Sarajeva", br: 5/88 i 16/90, "Službene novine Kantona Sarajevo", broj 24/11, 06/17, 19/16, 25/18, 39/18).

Član 5.

(Projektna dokumentacija)

Projektna dokumentacija za realizaciju novih objekata mora biti u saglasnosti sa preporukama vezanim za konstruktivne elemente građevina i radova na okolnom terenu na osnovu inženjerskogeološkog i geotehničkog izvještaja, koji treba biti urađen od strane ovlaštene firme ili institucije. Statički proračun građevina mora se dimenzionirati za potrebe najmanje 8° MCS. Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotreba dozvolava se ne može izdati ukoliko predviđeni radovi nisu u obimu i kvalitetu zadovoljavajući.

Član 6.

(Zelene površine)

Prilikom projektovanja zelenih površina sve postojeće, vrijedne i kvalitetne grupacije i jedinke (posebno stablašice) sačuvati i ugraditi u buduće rješenje i zaštititi ih od oštećenja prilikom izvođenja građevinskih i hortikulturnih radova.

Prostorni normativ za udio javnih zelenih površina, hortikulturno uređenih, u okviru Izmjena i dopuna Urbanističkog projekta "Solaris" ne smije biti manji od 40%. Osnovni gradivni element zelenih površina je visoka vegetacija. Sadni materijal odabranih vrsta, prvenstveno dendroflora, ali ostalih elemenata biološke komponente (perene, sezonsko cvijeće i trava) moraju biti visokog kvaliteta, rasadnički odgojene uz obavezan certifikat, te osim parametrima: uzrastom, razvijenošću debla, krošnje i korijenovog sistema moraju odgovarati mikrostanisnim uslovima sa mogućnošću njege u prvim godinama nakon sadnje.

Kod projektovanja obezbijediti ažuran katastar instalacija. Aktivnosti na realizaciji i uređenju zelenih površina i bazirati na adekvatnoj tehničkoj dokumentaciji, tj. glavnim projektima vanjskog uređenja sa hortikulturom, koji treba da su sastavni dio Projektne dokumentacije za izgradnju stambenih objekata. Projekti moraju biti urađeni od strane stručnog i odgovornog lica i /ili registrovane firme za projektovanje zelenih površina. Obezbijediti nadzor prilikom izvođenja svih hortikulturnih i drugih radova, kao i tehnički pregled svih izvedenih radova na realizaciji zelenih površina ovog Plana.

Vanjsko hortikulturno uređenje mora biti završeno prije tehničkog prijema i otvaranja objekta. Prilikom izgradnje saobraćajnica i objekata, treba skidati sloj plodnog zemljišta i koristiti ga kod formiranja zelenih površina svih kategorija u obuhvatu Projekta, ali i šire.

Član 7.

(Niveliteti pješačkih saobraćajnica, prilazi i ulazi u građevine)

U postupku donošenja urbanističke saglasnosti i odobrenja za građenje, nivelete pješačkih saobraćajnica, kao i prilazi i ulazi u građevine, moraju biti isprojektovani i izvedeni prema Uredbi o urbanističko-tehničkim uslovima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 8.

(Zaštita stanovništva i materijalnih dobara)

Uslovi za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 9.

(Javni uvid)

Po jedan primjerak ovjerenog Plana nalazi se na stalnom javnom uvidu i čuva se u Općini Vogošća i Zavodu za planiranje razvoja Kantona Sarajevo.

Član 10.

(Stupanje na snagu)

Ova Odluka stupa na snagu osmog dana od objavljivanja u "Službenim novinama Kantona Sarajevo".

Broj 01-02-1224-1/23
30. marta 2023. godine
Vogošća

Predsjedavajući
Općinskog vijeća Vogošća
Avdo Gljiva, s. r.

Na osnovu člana 93. i člana 101. Zakona o budžetima u Federaciji BiH ("Službene novine Federacije BiH", br. 102/13, 9/14 - Ispravka, 13/14, 8/15, 9/15, 102/15, 104/16, 5/18, 11/19, 99/19 i 25a/22), člana 19. i 20. Uredbe o računovodstvu budžeta u Federaciji BiH ("Službene novine Federacije BiH", broj 34/14) i člana 70. stav 1. tačka 6. Statuta Općine Vogošća

BOSNA I HERCEGOVINA
FEDERACIJA BOSNE I HERCEGOVINE

KANTON SARAJEVO
Nadležno ministarstvo

JOJ UPRAVE OPĆINE VOGOŠĆA OPĆINSKI NAČELNIK VOGOŠĆA
Potrošačka jedinica - glava

Vogošća
Sjedište potrošačke jedinice

Obrazac BS
4200321460007
Identifikacioni broj
94.11
Šifra po kvalifikacionoj djelatnosti
00000
Organizacioni broj
00000
Operativni broj
00000
Funkcionalni kod
00000
Fond
Pojedinačni obrasci:
Konsolidovani obrasci:

01-02-1224-1/23

FINANSIJSKOPRILIKOVNO
INFORMATICKA AGENCIJA
POSREDOVANJE U PROMETU
SPOSREDAVANJE ILLAS

BILANS STANJA
na dan 31.12.2022. godine

- u KM -

R.b.	Broj konta	Polozija	Oznaka za AOP	U obračunskom periodu tekuće godine	U istom obračunskom periodu prethodne godine	Procenat (4/5) x 100
1	1	2	3	4	5	6
1		IAKTIVA				
2	100000+ 200000	A. Gotovina, kratkoročna potraživanja, razgraničenja i zalihe (3 do 10)	001	11.764.886	6.597.544	178,32
3	110000	Novčana sredstva i plemeniti metali	002	8.263.403	4.590.054	180,03
4	120000	Vrijednosni papiri	003			
5	130000	Kratkoročna potraživanja	004	3.501.483	1.874.179	186,83
6	140000	Kratkoročni plasmani	005			
7	160000	Finansijski i obračunski odnosi sa drugim povezanim jedinicama	006			
8	210000	Zalihe materijala i robe	007			
9	220000	Zalihe sitnog inventara	008			
10	190000	Kratkoročna razgraničenja	009		133.311	
11	000000	B. Stalna sredstva (14+17+20+21)	010	64.649.688	63.713.980	101,47
12	011000	Stalna sredstva	011	68.582.534	65.914.780	104,05
13	011900	Ispravka vrijednosti stalnih sredstava	012	3.932.846	2.200.800	178,70
14	011-0119	Neotpisana vrijednost stalnih sredstava (12-13)	013	64.649.688	63.713.980	101,47
15	020000	Dugoročni plasmani	014			
16	029000	Ispravka vrijednosti dugoročnih plasmana	015			
17	020-029	Neotpisana vrijednost dugoročnih plasmana (15-16)	016			
18	031000	Vrijednosni papiri	017			
19	031900	Ispravka vrijednosti vrijednosnih papira	018			
20	031-0319	Neotpisana vrijednost vrijednosnih papira (18-19)	019			
21	09	Dugoročna razgraničenja	020			
22		UKUPNA AKTIVA (2+11) = 41	021	76.414.574	70.313.524	108,68

Kontrolni broj: 10676216628908

str. 1 od 2

("Službene novine Kantona Sarajevo", broj 27/14 - Prečišćeni tekst, 14/15 i 9/20), Općinsko vijeće Vogošća, na sjednici održanoj 30.03.2023. godine, donijelo je

**ODLUKU
O USVAJANJU FINANSIJSKOG IZVJEŠTAJA -
ZAVRŠNOG RAČUNA BUDŽETA OPĆINE VOGOŠĆA
ZA 2022. GODINU**

Član 1.

Ovom Odlukom usvajaju se finansijski izvještaj odnosno završni (godišnji) obračun Budžeta Općine Vogošća za period 01.01. - 31.12.2022. godine. Set finansijskih izvještaja čine sljedeći izvještaji: bilans stanja, račun prihoda i rashoda, izvještaj o kapitalnim izdacima i finansiranju, posebni podaci o plaćama i broju zaposlenih, godišnji izvještaj o investicijama i bilješke uz finansijski izvještaj.

Član 2.

Sastavni dio ove Odluke je set finansijskog izvještaja završnog - godišnjeg obračuna Budžeta Općine Vogošća za period 01.01. - 31.12.2022. godine.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-438/23
30. marta 2023. godine
Vogošća

Predsjedavajući
Općinskog vijeća Vogošća
Avdo Gljiva, s. r.